

xviii Testament de anthoine marques de
varenes

(...)

Au nom de dieu soyt amen scaichent tous
presans et advenir que l **an mil cinq cens septante six**
et le **second** jour du moys de **novembre** regnant
tres()c(h)restien prince henry par la grace de dieu
roy de france et()de pologne **au lieu de varenes**

et maison du testateur bas nomme au diocese de mo(n)tauban
et seneschaucee de th(ou)l(ous)e en presances de moy not(aire)
soubz(sig)ne et les tesmoings bas nommes estably en
[per]sonne **anthoine marques labo(u)re(ur)** dud(it) lieu **de**
varenes lequel gisant dans son lict a la salle
basse de sad(ite) maison detenu de malad(i)e corporelle
toutesfois bien voyant ouyssant parlant et
estant en ses bon sens entendement et parfaicte
memoyre considerant qu()il n()y a rien
plus certain que la mort ny plus incertain
que()l()heure d()icelle a ceste cause de son bon
gre et bonne volonte a faict et ordonne
son testament nuncupatif et derniere volonte
en la forme et maniere suyvens en premier
lieu led(it) anthoine marques testate(ur) a faict le
signe de la croix disant in nomine patris et filij
et spiritus()sancti amen a recommande son
ame a dieu tout puyssant a()la benoiste vierge
marie et a tous les beoistz saintz et saintes de
paradis et a voulu que quant son ame sera
separee de son corps sond(it) corps soyt ensepvely
au cymitiere de l esgl(is)e dud(it) varenes et aux
tumbes de ses predecesseurs item a voulu et
ordonne veult et ordonne led(it) testate(ur) que ses
honneurs de sepulture novene et cap d an
luy soient faictz [com]me est acoustume et suyvant
l()ordre de sainte mere esgl(is)e scavoit est
a()ch(ac)une fois que soient appellees huict p(rest)bres
messes cellebrans et paye a ch(ac)un d()iceulx
deux solz six deniers t(ournoi)z et a()ch(ac)une fois que soyent
alumes une livre d()entorches et chandelle item

xix

led(it) marques testate(ur) a donne et legue a **anthonye**
marquese sa filhe legitime et naturelle la somme
de cent livres t(ournoi)z payable quant elle sera en
eaige de mary et le jo(u)r de ses nopces et
jusques aud(it) temps veult qu()elle soyt norrie
et halimentee sur son bien et avec ce l()a
faicte et instituee son herictiere particuliere
et qu()elle ne puyse rien plus demander en ses

biens et heredité a son h(ériti)er bas nomme bien a voulu led(it) testate(ur) que en quant lad(ite) antoinete marquese sad(ite) filhe decederoyt sans fruct de son loyal mariage ou sans faire testament que led(it) douaire et legat devienne et a[par]tiegne a son h(ériti)er bas nomme et en tous et ch(ac)uns ses autres biens meubles et immeubles noms droictz voix et actions led(it) anth(oine) marques testateur a fait et institue son h(ériti)er et nomme de sa propre bouche **anthoine marques son filz** legitime et naturel pour desd(its) biens f(air)e et disposer a ses plaisirs et volentes tant a la vie que a la mort et au cas icell(uy) anth(oine) marques sond(it) filz et h(ériti)er decederoyt sans fruct de son legitime mariage ou sans f(air)e testament ^{veult et hordonne led(it) testate(ur)} que lesd(its) biens et heredité devienent et a[par]tiennent a lad(ite) anthoigne marquese sa filhe et au cas ilz decederoient tous deux sans fruct ou sans f(air)e testament veult que sesd(its) biens et heredité devienent et a[par]tiennent a **marie hugonete sa femme et a anthoigne**

^° et en f(air)e a le(urs) plaisirs et volentes tant a la vie que a la mort

marquese sa soeur femme de robert grelleau po(u)r les ^{elles} ~~eulx~~ par moytie ^° et ainsi les a substitues et de ce que sesd(its) enfant et filhe sont petitz en bas eage a led(it) testate(ur) supplie lesd(its) robert grelleau et antoinete hugonete de prendre la charge et administra(ti)on de tutelle de leurs [per]sonnes et biens et au cas que lad(ite) hugonete sad(ite) femme ne se acorderoyt de demeurer avec sesd(its) enfant et filhe led(it) testate(ur) luy legue de pension annuelle tant qu()elle vivra viduellem(en)t cinq eymines misture une barricque bon vin une barricque demy vin six livres huylle les troys d()olive et les autres troys de noix une pugniere sel une robe drap pais de troys ans en troys ans et sa [pro]vis(io)n de bois a()chauffer et dessus led(it) anthoine marques testate(ur) a dict et declaire dict et declaire qu()il veult que soyt son testament de derniere volente cassant revocquant et annullant tous autres testamens codicilles ou donna(ti)ons si aulcuns ou aulcunes en y a de faictz ou faictes de temps passe excepte le presant qu()il veult que valhe et soyt valable par droict de testament nuncupatif et s()il ne valoyt ou pouvoyt valloir par droict de testament nuncupatif veult que valhe et soyt vallable par droict de codicille et s()il ne valloyt ou pouvoyt valloir par droict de codicille veult que valhe et soyt valable par donna(ti)on faicte ~~entre~~ a cause de la mort et par tout

xx.

autre droict uz stille et coustume de p(rese)nt pays que
pourra mieulx et plus valloir requerant et priant
led(it) testate(ur) les tesmoingz bas escriptz par luy nommes
et recogneuz de tout ce dessus estre memoratifz po(u)r en
preter bon et vray tesmoniage quant et
s... et a moy not(aire) soubzsigne en retenir inst(rumen)t
ce qu()ay acorde et faict en presances de guillem
terrail vincens terrail jehan *millan* jehan vignelongue
arnauld terrancle jehan terrancle pierre terrailh
dud(it) lieu de varenes habitans tesmoingz a ce
requis et appellez et de moy jehan richard not(aire)
royal de villemur qui requis de ce dessus soyt
retenu le p(rese)nt instrument en foys de quoy me
suys soubzsigne.

Richard not(aire) r(o)yal